



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiae Palatium

Variis Sacrae-Scripturae Locis, Atque Septem misericordiae operibus quasi
peristromatibus exornatum

Gazaeus, Nicolaus

Augustae Trevirorum, 1618

Visitator Pius Infirmum Hortabitur Vt In Articulo Mortis Non turbetur ob
spirituum malignorum visiones. Capvt XLV.

[urn:nbn:de:hbz:466:1-54459](https://nbn-resolving.org/urn:nbn:de:hbz:466:1-54459)

VISITATOR PIVS IN
FIRMVM HORTABITVR VT
IN ARTICVLO MORTIS NON
turbetur ob spirituum malignorum
visiones.

CAPVT XLV.

REs sole clarior est (ni Deus obiciem
ponat) in vltimo vitæ articulo reteri-
mos quosdam Dæmonum hominibus of-
ferri conspectus, maximè si infirmi in vita
sua scelerum multorum fuerunt rei, vt do-
cere videtur D. Basil. dum ait: *Eos qui multa
perperam in vita admiserunt, horrendi quidam,
ac tristes circumstabunt Angeli. Eiusdem
sententiæ est D. Chrysostom: qui lo-
quens de visione spirituum infernalium, &
formidandis aliquorum infirmorum ge-
stibus, quorum oculi in diuersas volun-
tur partes, corpore agitantur, id ob illo-
rum spirituum præsentiam euenire arbi-
tratur.*

in Psal. 32.

*Hom. 54. in
Matth.*

Id ipsum docet clarè D. Augustinus his
verbis: *Aderunt Ministri maligni, malis illis*
Dicitur

Diaboli, tartarea monstra, spiritus terribiles
& pessimi, velut leones rugientes vt rapiant
pradam, & deducant eam in horribilia loca
in pœnarum chaos, & in caliginē tenebra-
rum: & infra: Si ille serpens venenosus Dia-
bolus & Sathanas, ausus fuit cum furore im-
petum facere in Sanctissimam B. Martini a-
nimam, que erat vt dicitur gemma Sacerdo-
tum, quam foelicem animam presentibus an-
gelis euntem in cœlū curabat impedire: quam
misere occurret anima tua horribiliter ille
doli artifex: Ideoque vnumquemque pec-
catorum ad hæc consideranda exhortans
subdit.

In spec. peccat.
c. 7. t. 9.

Heu! frater mi, si talis ac tantus tremor est
anima peccatrici, ex solo Sathana visu, quan-
ta confusio, quantusque horror, quanta af-
fectio, quanta lamentatio erit eius consor-
tium? Verissimum igitur est, Dæmones
in extremo vitæ spiritu, infirmis appare-
re, tam bonis quam discolis. Testimoni-
um conferre potest Turpinus Remensi-
um Episcopus, qui orationi vacans, in ex-
tasim raptus, maximam Dæmonum vidit
cateruam, properantium, vt morti Caroli
magni (qui Aquisgrani vltimum efflabat
spiritum) adessent.

Antonin. 2. p.
hist. tit. 14. c. 5.
Mart. Polon.
lib. 4. Chron.
Anni 814.

Horum autem spirituum visio adeò terri-
bilis

Gg 4

bilis est, & horribilis, vt solus illorum con-
 tuitus, homini mortem gignere possit. D.
 Thomas, indis prædicans, Idololatri quibusdam (Deo annuente) vt eos ad fidei ve-
 ræ amorem incitaret, dæmonem in figura
 horribili ostendit; Capite acuto, barba pro-
 lixa, capillis hispidis, manibus & pedibus
 aduncis, oculis flammeis, ore & naribus pu-
 tidissimum fumum efflantibus. Ne autem
 ob tales contuitus è templo vita priuaren-
 tur, eos signo crucis munierat, cuius vis ad
 has reprimendas tartareas visiones admira-
 bilis est. Quoniam ergò hæ apparitiones
 dæmonum verissimæ sunt, infirmum meum
 exhortabor vt quò tempore sanæ adhuc
 mentis est, se per fortitudinis virtutem mu-
 niat, & timorem illorum spirituum expel-
 lat quos timere non consueuerunt qui pro-
 bata, & vitæ, & sanctitatis sunt, atq; vt po-
 tius dicat cum B. Martino: *Quod hic adfuit
 cruenta bestia? nihil in me funeste reperies.* So-
 phronius refert, Alexandrum Ciliciensem
 in articulo mortis Diabolum tunc præsen-
 tem in hunc modum affatum fuisse. Ades
 sub vesperum ô miser! nec mirum, cum me
 modo languoribus & vi morbi obtæsum
 videas. In hoc clarè patet tua infirmitas &
 imbecillitas. Nô enim me aggredi ausus es à
 sexa-

In legend.

*Prat. spirit.
 c. 182.*

sexaginta annis, in quibus tuas probè artes,
 & technas dissoluere poteram: at me infir-
 mum oppetis, cum morbi importunitate
 vires exhaustæ sunt. Nec tamen cedo: sed
 ad Deum meum propero, cuius gratia tuos
 euasi dolos, & apud quem iniuriarum mihi
 à te illatarum conquerar, quia post infini-
 tos exanthlatos labores sub finem vitæ, me
 ad certamen prouocas. Odilo Abbas Clu-
 niacensis, morti vicinus, videns Dæmonem
 teterrima specie appropinquantem, eum
 obiurgans, in fugam vertit. Iob Patientiæ
 speculum, eiusmodi visionibus nequaquã
 turbatus fuit; cum nullius rei alterius facta
 mentione solum dicat: *Hostis meus terribi-*
libus oculis me intuitus est, & infremuit contra
me dentibus suis. D. Athanasius in vita An-
 thonij refert virum Sanctum morti appro-
 ximantem vidisse hominẽ quendam mon-
 struosæ staturæ, cuius quippe caput stellas
 tangeret: eodemq; tempore vocem quan-
 dam audijisse dicentem sibi: *Animaduerte*
quod vides, & statim illum Deo inspirante
cognouisse illum esse dæmonem inimico-
rum suorum maximum.

Hug. Clun.
 in vit.

Iob. 16.

Sancta Macrina D. Bernardi soror, con-
 tuens in articulo mortis Dæmonem, elata
 voce sic Deũ precabatur: *Ne impediat quæso*

Gg 5 inui-

inuidus iter meum. Boni ergò hunc nostræ
 felicitatis inimicum non verentur. San-
 ctus Hilarion interrogatus à prædonibus,
 quid acturus esset, si in sylua à latronibus
 inueniretur, respondit: Nihil; qui enim ni-
 hil habet, nil perdere potest & securus est;
 si autem mortem comminarètur nec idèò
 commoueret, nam qui mori paratus est,
 mori non formidat, sed illi gratissima est
 mors, quàm soli peccatores verentur, quo-
 niam *mors peccatorum pessima*, est. Sic etiam
 Spiritus maligni malos facile terrent; sed
 bonis nihil formidinis vel timoris incutere
 possunt, qui quamuis illos in extremo vitæ
 contueantur, non tamen illo supplicio quò
 mali in eorum intuitu cruciantur.

Nam securè boni, at mali cum summa
 formidine illos intuètur, quia ad illos quasi
 creditores ad debitorem deficientem con-
 uolant, vt animas eorum tollant, & in tarta-
 rum demergant.

Tunc illis omnium prauarum actionum
 librum pandunt, vt inde agnoscant quantū
 alieno constringantur ære, quod iustis, ne-
 quaquam agere possunt.

Secundo: consultum ægroto erit, Nomē
 B. Virginis Mariæ cum deuotione inuoca-
 re, quæ cum mater sit Misericordiæ, spiri-
 tus

Psal. 33.

trus illos nequitia fugat, & terret: Hinc Ecclesia canit: *Maria Mater gratia, Mater misericordia, tu nos ab hoste protege, & hora mortis suscipe*. Idq; quoniam (vt multi asserunt) ipsa in extremo vitæ ab his visionibus libera fuit, prout à filio suo poposcerat, vt canit Poeta.

Stygios hinc eijce manes.

*Ne mihi tartarei vultus, tristesque figura,
Horrorem incutiant mortis, gelidumque
pauorem.*

Mantuan. li. 3.

Tertio, visitator ægrotum solabitur dicens: quod quemadmodum Christus, in iudicio generali formidabilis erit reprobis, & gratus electis: ita in iudicio particulari, eius aspectus & aduentus probis erit acceptus, sed peccatoribus & obstinatis formidabilis. Quam opinionem docet Innocentius Papa, scribens, Christum in mortis articulo visibiliter in ea quam assumpsit carne omnibus apparere, malos vt arguat scelerum, bonos autem vt educat ad præmium. Nec dubium est; neque enim quisquam inuiso iudice damnabitur ad supplicium, nec inuiso redemptore ducetur ad gaudium. Quæ Christi visio vel in instanti mortis, vel in momento post, vel ante mortem fit.

*Lib. de Miseria
humane condit.
c. 24.*